

太上黃籙齋儀卷之十四

唐廣成先生杜光庭集

特 劾為臣下消災中分行道

入戶

各禮師存念如法

衛靈

丹靈朱火 炎霞激風 赤輪剛運

天光八衝 迸威包羅 交變萬方

流金豁落 羣魔滅蹤 辟奸破妖

明耀元功 金符召制 躡雲策龍

謠歌慶會 散花太空 神化冥運

四極安隆 伏御帝前 罔有不恭

鳴法鼓二十四通

无上玄元太上道君召出 身三五功曹左

右官使者侍香金童傳言散花玉女五帝直

符直日香官各三十二人出者嚴裝關啓

玄壇天帝神君當召此間土地里域真官正

神以今奉為入意祈恩玉關進拜丹書願得

玉清道炁靈寶妙光下降流入 臣等身中使

紫精鬱勃玉關開明五老輔振萬帝攝真體

圓珠映乘景騰宸金光煥赫仰炁上清今 臣  
所啓速達徑御

太上无極大道無形無名虛无自然金闕玉  
陛下

神霄九宸上帝御前

各稱法位

上清玄都大洞三景弟子无上三洞法師奉

行黃籙大齋法事某獻先生某帝真人 臣某

等同誠上啓

虛无自然元始天尊无極大道太上大道君

高上大道金闕元天玉皇大帝太上老君吳

天玉皇上帝十方已得道大聖衆至真諸君

夫人三十六天帝君玉虛上帝玉帝大帝東

華南極西靈北真玄都玉京金闕七寶玄臺

紫微上官靈寶至真明皇道君三十六部尊

經玄中大法師三界應感一切真靈 臣等伏

聞得一鴻基生三妙本裁成覆載含育虛无

赴感如神隨方靡倦丹誠上達豈聞於高卑

玄澤下臨不遺於巨細况復配天縱聖運道

垂裳德貫神明功伴造化推恩敷惠同膏露

以齊均中今宣威與雷霆而並震馳心屬念  
必洽天休以某官運履災蒙願希銷解冥懷  
玄極稽首清都爰敷齋告之儀佇契福祥之  
應香花龍絲備按明科列款緘詞所宜關奏  
欽承明旨敢不上聞

皇帝青詞謹當宣奏

讀詞

按如詞言誠祈騰奏 臣等以

皇帝所齋法信恭設壇場日域月門象十華

而設位龍文鳳篆陳八會之天書固可以撰

蕩氛邪廓銷災滯廣延楨祝用息晦蒙以今

中分行道請法衆等運茲初捨上香

願此香煙騰空徑上供養

无上至真道寶 臣等歸身歸命首體投地仰

依

太上三尊願以是功德歸流社稷尊儀宗桃

先聖登真玉闕虬影琳宮駮八鳳於雲衢取

六龍於星路仰朝萬聖俯揖千真流巨眛於

神孫啓遐年於寶祚今故燒香自歸依

師尊大聖衆至真之德得道之後昇入无形

和與道合真

以今中分行道請法衆等運茲三拾上香

願此香煙騰空徑上供養

无上至真經寶<sub>臣</sub>等歸身歸命首體投地仰依

太上三尊願以是功德歸流

皇帝伏覲聖逾軒昊明比義舒曆草抽階顯

示晦明之數神羊衛屏潛祛邪佞之人福嶽

彌高壽山增峻皇后妃御六官宣翊贊之功

太子諸王宗祐表繁昌之固朝多英俊野絕

道遺蜂岑螺馭之賓梯航入貢神獸天香之

自歸依

師尊大聖衆至真之德得道之後昇入无形

和與道合真

以今中分行道請法衆等運茲三拾上香

願此香煙騰空徑上供養

无上至真師寶<sub>臣</sub>等歸身歸命首體投地仰

依

太上三尊願以是功德歸流其官祿算增延

災衰寧息南宮丹籙別署生名北府黑書全

祛罪目九玄開度衆福資薰泊乎三界幽明

十方家廟道風遐布聖力普覃咸蠲短景之

期盡契長生之樂泉扁朗晏幽獄停閑嘉覲

所資俱登道域今故燒香自歸依

師尊大聖衆至真之德得道之後昇入无形

和與道合真

禮方

懺悔

三啓 三禮

濟濟經道與天人同其願

縹緲入大乘 因心立福田 靡靡法輪昇

七祖生天堂 我身白日騰

太上无極大道

臣等至心稽首禮

三十六部尊經

臣等至心稽首禮

玄中大法師

重稱法位

上清玄都大洞三景弟子无上三洞大法師

其謹重上啓

太上无極大道元始天尊太上大道君太上

老君十方无極大道道德衆聖三十六部尊

經玄中大法師天師君上相上宰上保上傳

四司五帝三界官屬一切尊靈<sub>臣</sub>等伏聞道

運宣行真經布化明科妙訓開悟於人天靈

冊奇文敷揚於幽帶所以三乘三洞拯弱喪

以知歸龍篆鳳書佐邦家而致福冥心契感

虛室通真咸在至誠以崇積貺欽惟大道替

替帝功

皇帝以其官運履晦蒙恩深軫念將期銷解

用保清寧奉龍璧香花紋繒法信爰崇齋直

是啓壇場<sub>臣</sub>等叨備玄司恭承明命輒依科

式虔告真靈燒香然燈照燭幽夜上映福堂

之上下開冥昧之庭為其官悔謝存亡和平

寬對若干日夜行道轉經懺九世七玄前生

今代幽明負犯生死愆瑕惡對罪根宿寇往

債及九宮八卦三命五行暗曜明星無邊災

咎因今祈謝感乞蕩除即使玄祖超昇積瑕

第一

十二

原有凶隨懺解吉遂願來百福資薰千災蕩  
滌增新綠柞延益年齡永奉

聖朝上酬

帝力下願二儀貞觀三景輝華五緯循常八  
風調順寶圖隆固

聖算遐延超帝道而邁皇風澄九圍而清萬  
國六宮百揆中外宣功太子諸王賢明佐聖  
歲無疵癘俗有謳歌天下太平羣生遂性重  
冥寒夜動植飛沉俱承齋謝之緣並悟玄通  
之道上明

天尊廣濟之澤下副臣等懺謝之誠謹啓以  
聞

發願

一願大道淡泊虛元安閑空寂澄清自居廣  
開法門教導頑夫皆蒙東澤精苦自修預

以同學普得昇虛與天相保長存無憂

二願諸天結炁澄清高虛廣覆保真固靈炁

候調節四運和平國安民豐普天閭寧廣

濟一切惠達有生保天長存億劫不傾

三願土地覆載無窮安平不陷海淪不崩保

鎮家國兆民興從養生安死惠周十方未  
稼滋植營運日豐咸得厚載萬類皆從

四願日月二景高明無有薄蝕虧盈安靜光

照諸天洞消暗冥保固劫運世祚和平普

加潤澤東灑眾生

五願星辰與日齊光轉燭照耀朗映十方各

安其位經緯直行保鎮家國無有災傷四

海寧一普天興昌

六願四時隨節推遷景氣和調無有災患疫

毒消滅普天安平五穀豐熟國富民歡

七願浮雲結炁聚煙飛空高澄陰覆玄玄隱

則無為散則彌天神仙同居結友衆真惠

流一切興國愛民普濟羣生人同劫年

八願風雨流灑無窮普加施泄受其發揚萬

物滋生國儲民豐

九願五嶽各安其方魏魏包藏長為仙宮安

鎮國祚保天無終護度一切莫不仰宗

十願江海蕩蕩元極含容恢廓無細不植淵

與柔惠潤加蠕息天久獲慶年同劫石

十一願帝王國土日昌四鎮安睦兵革不揚

天人歌唱吉應來翔敷教濟濟成化揚揚  
兆庶稱慶長樂未央

十二願蝗飛蠶動已生未生咸蒙安全普天

生成皆見元氣受陽之形草木果林經冬

不零一切濟度靡不鮮榮和與道合真

復爐

香官使者左右龍虎君侍香諸靈官當令臣

朝元之所自然生金液丹碧芝英百靈衆真

交會在此洞案爐前今臣體耀金輝斬伐胞

根七玄技擢百關備仙解除死籍宴坐泥丸

東華紀字策景虛玄十方仙童玉女接待香

煙傳臣向來所啓之言連達徑御

太上元極大道無形無名虛元自然金闕玉

陛下

神霄九宸上帝御前

出戶

太上黃籙齋儀卷之十四